

նեւութեան համարձակութեամբ եւ աներկիւղ տայք պաշտել՝ ուր եւ կամին. ապա բարի է, եւ առաջին խնդիրն մեր այդ է:

9 «Եւ երկրորդ¹ խնդիրն այս է, թէ զմարդ ոչ իշխանաբար ճանաչէք, այլ իրաւաբար գիտել զլաւն եւ զվատթարն, ընտրել զպիտանին եւ զանպիտանն, իմանալ զտոհմիկն եւ զանտոհմիկն, ունել առ լաւսն եւ պատուականս՝ զքաջն² եւ զաւգտակարն, արհամարհել եւ առ ոչինչ համարել զվատն եւ զանպիտանն. սիրել զվաստակաւորսն եւ ատել զանվաստակն, ունել ի մաւտ զիմաստունս եւ խորհուրդս առնել³, եւ զանմիտն ոչ մաւտեցուցանել, այլ եւ ի հրապարակէ եւս հալածել: 10 Եւ յորժամ այս ամենայն այսպէս լինի՝ ամենայն իրք Արեաց աշխարհիս աջող լինի եւ անսխալ. ապա եթէ զընդդէմն սիրէք, որպէս եւ ցայժմ, եւ ոչ զդէպսն՝ եւ գործքն այդպէս ընդդէմ լինին, որպէս եւ եղենդ իսկ, եւ տեսէք⁴:

11 «Եւ երրորդ⁵ խնդիր մեր այս է. որ տերն է Արեաց եւ աշխարհի⁶ թագաւոր՝ կամիմք, զի ինքն տեսցէ իւրովք աչաւք, եւ ինքն լուիցէ իւրովք ականջաւք⁷, եւ ինքն գիտասցէ եւ ջինքն խաւսեսցի իւրով բերանով. եւ մի՛ այլոյ աչաւք տեսցէ եւ այլոյ ականջաւք լուիցէ եւ այլովք հանապազ գիտասցէ զմարդ լաւ եւ զանլաւ, եւ այլոյ բերանով⁹ խաւսեսցի զպէտսն: 12 Յաղագս որոյ չլինի ուղիղ հայեցուածն¹⁰, եւ ոչ արդար լտողութիւնն. այլ յոլով սուտ խաւսքն ճանաչին եւ իրամանքն ընդունայնք, եւ բնաւ այլ ընդ այլոց լինի իմաստն ամենայն: 13 Եւ յորժամ այս ամենայն այսպէս լինի՝ կործանեալ ամենայն վաստակք՝ ծառայիւքն¹¹ կորնչին, եւ ոչ կարէ կալ աշխարհ եւ ի նմա բնակեալք անշարժ եւ հաստատուն: 14 Բայց թագաւոր, որ իւրովք ամողջ աչաւքն հայի եւ աննախանձ լտողութեամբ լսէ եւ արդար բանիւ խաւսի ընդ իւր ծառայս՝ կենդանացեալ ծառայքն՝ ջագին վաստակով, այլ յաւելեալ ի վաստակն՝ ար բան զար արճեցուցանել ջանան զբարին: 15 Այսպէս աշխարհ¹² շինի, եւ տերն շքեղացեալ պայծառանայ հանապազ:

1 Ձ. լուսանցքում՝ բ

2 ՏՏ. զպատուականն եւ զքաջն. Ձ. եւ զպատուականն զքաջն

3 ՁԱտ. եւ ի խորհուրդս

4 ՏՏ. տեսիք

5 Ձ. լուսանցքում՝ գ

6 ԲԳտ. աշխարհի (չիք եւ)

7 Ձ. ականջովք

8 ՏՏ. չիք եւ ինքն խօսեսցի իւրով բերանով... հանապազ գիտասցէ

9 ԲԳտ. ուղղագրել են եւ ոչ այլոյ բերանով

10 Ձ. հայեցածն

11 ՏՏ. եւ ծառայիւքն

12 ՁԱտ. որպէս աշխարհ